

Анокламс уборочнайти

Инь важнейшай хозяйственной мероприятия, тундань виде маса, комсомольский организациятне примасть огромной участия. Лама сядот комсомолец и од ломань эсь добросовестнай и честнай отношениясн мархта трудса сатсть замечательнай показателхть. Мельцанский МТС-нь 15-це № бригадаса комсомолец-тракторист Нарваткинъ "ЧТЗ" трактора смена 9,5 гектархень вастс соксесь 19 гектар. Атюрьевский районъ Барановка велень "Пролетарий" колхозса селящик Данилов комсомолец 4 гектаръ вастс эсь сменастонза видендсь 8 гектархт. Лямбирский районъ Пензятка велень "Харриат" колхозса од ломанень звенась макссь оцю лезкс колхозти тундань видемать успешнайста аделаманц. Кадикин Кайзолла и Макин Никат комсомолецне нормасн пашкоткшнесь 200—220 проценти.

Сатф успехнень лангс лотксемс аф эриви. Кда успешнайста и цебяръ качества мархта аделаф виде маса, тя нинге аф корхтай сянь колга, што сатф оцю урожай. Эриви нинге эсь пингстонза йотафтомс паксяса сембе агротехнический мероприятиятнень, кода тишень кочкомать и ст, тов.

Омбоце важнейшай условияк тя кампаният йотафтомаса ащи комбайнатнень, жнейкатнень и лия уборочнай машинатнень эсь пингстост ремонтсна, — запасной частитнень анокламасна и кадратнень эсь участвак кемокстамасна.

Но аф тяфта ащи тевсь Сирешайговань и Мельцанский райотнень эса. Н.Троицкий МТС-сь нинге кода эриви ашесь кярмодь капитальной ремонтти. А Комсомольский МТС-ть тянь колга нинге аш мялец арьсемска. Мельцанский районъ анычек майть 24-це шистонза обсудиндазе уборочнай кампанияти аноклама планонц.

Цебярста кярмодсь тя тевти Темниковский МТС-сь. Майть 10-це шинцты сон аделазе капитальной ремонтонц и успешнайста йотафнесы текущей ремонтт.

Тяни эриви шарфтомс комсомольский организациятнень инициативасн и энергиясн сянди, штоба анокламс цебярста уборочнай кампанияти и колхознай паксятнень лангста кочкамс сталинский урожай.


Лучшай агитколлектив

Ковылкина. Кочелаевский велень советъ колхозонзон культурна обслуживандакшнесыне школьной од ломанень агитколлективс (руководитель П. Маловский).

Агитколлективонь сембе члетьне яксихть паксянь стану, тракторнай бригада, коса колхозникнень и трактористтнень йоткса йотафнихть читкат, беседат и художественнай выступленийт.

Майть 11-це шистонза агитколлективс ульсь "Память Ленина" колхозса, коса тундань видемать аделаманц честьс колхозникненьди путсь пьеса и йотафтсь веселай вечер.

А. Абакумова.



СНИМКАСА: Саранский 6-це № школань 8-це "Б" классонь ученица Воронина (види ширеса) С. А. Макова педагогки сдает физикать коряс испытаният. Фотосъ В. Ивенинтъ.

Испытаниятнень васьфтезь анокста

М.-Пишля велень средней школань ученикне и учительский коллективс пак цебярста анокласть испытаниятненьди. Тяса сембе йотафматериалт ученикне цебярста повторили.

Тяни, мзярда школань ученикне кизакувалмонь работасн колга кирдихть экзамен, эрь ученикти ули коса получама тя или тона кизефксть колга ответ.

Испытаниятненьди цебярста анокламась ученикненьди максси полнай возможность испытаниятнень отличнайста максомаснонды. Тяфта, кепотксонди, 7-це "Б" классонь 34 учениктъ эзда 17 ученикт Конституцият коряс полчасть отличнай оценкат, а 17-цебяръ оценкат.

А. Сулеев.

Рузаевкань район.

Фкя школа, разнай результат

Саранск ош. 4-це № начальная школась 1939-1940-це тонафнема кизотъ программанц аделазе 100 проценти. Школаса коммунистический воспитаниянь сембе процессъ йотафневсь трудонь социалистический метоттнень коряс. Учительский коллективс тонафнема кизотъ 4-це четвертец пингста тюрсь школаса абсолютнай успеваемость 100 проценти касфтоманц инкса. Тя задачат, аф кржа педагогт, пашкодезь честь мархта. Тяса 4-це четвертьт эзда ученикнень абсолютнай успеваемостьсна кассь 93,22 проценти, конач колмоце четвертьт коряс куцсь ламода сядя вари.

Кой-кона учительхне тонафнема кизотъ мекольцень четвертец эзда итнень коммунистический воспитаниясост сатсть работань замечательнай образецт. Тяфта, например, 1-це "А" класса (класснай руководитель Попова ялгась), 1-це "Б" класса (класснай руководитель Дубровина ялгась) и 2-це класса (класснай руководитель Зазуля ялгась) ученикнень абсолютнай успеваемостьсн касфтозъ 100 проценти. Попова, Дубровина и Зазуля ялгатне тонафнема кизотъ аделаза второгондикфтома.

Итнень коммунистический воспитаниясост аф калдяв результатт сатсь 3-це "Б" классъ, коса класснай руководителкс работай

Сисалкина ялгась. Сисалкина ялгать класса итнень абсолютнай успеваемостьсна тяфта жа кассь пцтай 100 проценти.

Тяфта жа сави азомс, што работас коря образцовай класснень шовор школаса улихть класс, конатнень успеваемостьсна общешкольнойт коряс ламода сядя йомла. Тяфтамкс лувондовихть, например, 3-це "А" классъ (класснай руководитель Кочетковасъ) и 4-це "Б" классъ (класснай руководитель Корочковс), конатнень эса абсолютнай успеваемостьсн анычек 85 процент. Нят класснень эса тяфтажа пак оцю второгондиконь лувкссь. Синь эздост кафцьке класснень эса 12 второгондик.

Кочеткова и Корочков ялгатне эсь классост тяфтам калдяв успеваемость инкса муворукс лувондыхть ученикнень, што бта синь тонафнемс аш сатомшка способностьсна. Тя йофси аф виде, сяс мес ученикнень успеваемостьсн инкса канды ответственность учительс, класснай руководителс, конач касыкс поколеният эса должен воспитандакшнемс активнай отношеният трудти, мужества и храбрость действиятненьди. Но тя простой истинать Кочеткова и Корочков ялгатне ашесь шарьхкоде.

Дм. Родин.

Ученикне долгсн пашкодсаязъ

Торбеевский районъ сембе школатнень эса молихть проверочно-переводнай и выпускной испытаниятне.

Пионерхне и школьникне испытаниятнень васьфтезь сембе ширде анокста. Лама школава, кода Малышева велень аф полнай средней школаса, пионерхне и школьникне, штоба испытаниятнень йотафтомс достойнайста, сувасть социалистический соревнованияс и сонъ знамянц ала тюрихть эсь долгснот отличнайста пашкодеманц инкса.

Тяфта жа испытаниятнень отличнайста васьфтезь Т. Ювня и лия велень аф полнай средней школань ученикневок. Тяса эрь ученикне пак активнай аноклайхть идень творчествовань Всесоюзной олимпиадаты. Тя важнейшай тевти анокламати итне сотнекшнесазъ испытаниятнень отличнайста максомаснот мархта.

Халькова.

ЮНАЙ АВМОДЕЛИСТ

Йотай кизоня Zubovo-Polyanskiy средней школань ученикнень Умнов и Шведов ялгатнень инициативаснот коряс школаса ульсь организовандаф юнай авиомоделистонъ кружок. Кружокс организациянь васень шинзон пингстакиге эсь работасонза няфтсь работань образецт. Кружоконь члетьне Великий Октябрьский социалистический революцият 22-це годовщинац честьс тиенцть лама модельхть и монгольфьеронь шар.

Тя кизоня кружоконь участникнень эзда 32 ломань цебярста тонадозъ теорият и пролетарский солидарностьнень шити—Майть 1-це шинцты максозъ норматнень ЮАС значокти, конат сембе полчасть "Юнай авиостроительнень" звания. Тяда башка Майть 1-це шинцты кружоконь участникне тийхть монгольфьеронь шар, коробчатый змей и воздушнай почтаьон, конат сембе тифть, цебяръ конструкцияс.

И. Митяков.



СНИМКАСА: Тбилисский 60-це № средней школань 10-це классонь ученица, Тбилисский аэроклубонь учелсь-комсомлкас Анна Афикия полетта инголе. (ТАСС-ть фото-клишец).



Майть 20-це шистонза Мордовский АССР-нь СНК-ть председателец Верендякин ялгась вручил Золотой медальхть 1939-це кизонь Всесоюзной сельскохозяйственной выставканы участникомъ группати.

СНИМКАСА: (кяржи ширде види шири) Мордовский АССР-нь Земледелиянь Наркомть заместителец П. М. Яськин ялгась; Инсарский МТС-нь директорсь И. П. Горин ялгась; Дубенский районь „Красная звезда“ колхозонь звеньеводсь И. П. Чабушкин ялгась; Саранский районь „Пятилетка“ колхозонь СТФ-нь заведующийсь Г. Н. Аникин ялгась, Главвыставкомсь синь казезень „Йомла золотой медальса“.

Фотось В. Ивенинть.

Большевикокс ладямс марксизмать-ленинизмать пропаганданц

Кодак лиссь светсь ВЛКСМ-нь ЦК-ть X пленумонц решенияц, школатнень и комсомольский организациятнень ламосна ушедсть сонь эряфс йотафнемонза. Но улихть школат и комсомольский организацияц, конат нинге ашестъ ушед сонь эряфс йотафнемонза. Кепотксонди савомс Саранск ошень 44-це № средний школат, коса сембоц лувондови 500 лама ученик, конатнень эзда аныцек 69 отличник. Школоса комсомольский организациясь ашезе организованда ученикнень йоткса отличнайста тонафнемать инкса тюремать. Тя няеви сянь эзда, што 157 комсомолецъ эзда отличникта аныцек 11, а ударникта 40. Пионернень йоткса тя тевсь ладяф тяфтажа кальдявста. Тянь колга корхтай ся фактсь, што 315 пионеръ эзда отличникта аныцек 24 и ударникта 65.

Аф пяк цебарьста ащи тевсь комсомолецнень политобразованиясон мархтонга. ВКП(б)-ть историяц самостоятельна тонафнесазь аныцек 12 комсомолец и сятка нинге ашихть 3—5 главатнень лангса. Сяда аф подготовленной комсомолецненьди пуроптфт кружокт, коса ВКП(б)-ть историяц эса тонафнихть 53 комсомолец, а 59 комсомолецъ тонафнесазь урока.

Комсомольский комитетти сембе нят аф сатыксне эрявихть лувомс и большевикокс ладямс организацияса марксизмать-ленинизмать пропаганданц.

В. Симанин.

Саранск ош,

Йотафтф идень творчествань олимпиада

Сире Синдрова. Майть 15—17-це шинзон пингста средняй школоса йотафтф идень творчествань школьной олимпиада. Олимпиадаса примастъ участия средняй школань 1—10 класснень эзда лама ученик.

Олимпиадаты эса инь цебарьста эсь номерсон няфтезь 4-це „Б“ классонь ученикне (руководительсь Байшев ялгась), конатненьди жюри комиссиясь присудил васенце вастть.

И. Горский.

Васендесъ районда аделазе тундань видежать

Трудть правильнайста организоваданц вельде Больше-Полянский велень советонь „Юдуз“ колхозсь майть 20-це шистонза марнек аделазе тундань видежанц.

Тядденъ кизонь тундань видежань планонц коряс 480 гектартъ эзда колхозсь передонза башка видесь 474 гектар. Колхозникне путнезь сембе вийсон сянди, штоба йотафтомс цебарь качества тундань видежать. Синь применядакшнезь агротехнической

сембе мероприятиятнень.

Тундань видежать пингста лац ладяфоль массово-разъяснительнай работась и вишкоптьфоль социалистический соревнованиясь, конань вельде колхозникне вельф и цебарь качества пашкотькшнезь работань нормаснон.

Тянийнь пингть колхозсь кярмодсь уборочнай кампанияти анокламати, пети сембе инвентаренц.

У. Ахунов.

Кадошкинский район.

Тундань видежаса комсомолецнень участиясна

Сургодский велень советонь Сталинть лемса колхозса организовадаф комсомольско-молодежной звена. Звенась ащи 11 ломаньцта. Синь йотксост 4 цёранят и 7 стирнят. Звенать составс сувасть инь цебарь, комсомолецне и аф союзнай од ломаттне. Синь мархтост вяти руководства комсомольский организацияц секретарец Х. Призиков ялгась. Колхозонь правлениясь звенать мелге кешмокстась 33 гектар площадь. Тя площадть лангс звенась видесь сецявица, тозер и пинем.

Звенась эсь пингстонза соказе и видеже участканц и савсь обязательства, штоба сатомс сталинский

оцю урожай. Аделамок эсь участкансон лангса работать, звенань четтне оцю лезкс максихть эсь бригадаснонды.

Цебарьста работамда башка, звенань четтне лувондыхть газетат, журналхт, тиендихть беседат оцю урожайнь сатомать колга передовой ломаттнень опытнон колга. Синь обеденнай перерывста эсь келесост проработали „За высокие ефремовские урожаи“ брошюрат. Од ломанень звенась ноляй стенгазета, конац пяк оцю лезкс максси работать образцовайста ладяманц инкса.

А. Куликова.

Торбеевский район.

Лувомс агитмассовой работаса нолдаф аф сатыкснень

С.-Синдровский район. Майть 8-це шинцты самс „Большевик“ колхозонь паксяса работайхнень йоткса кодамовок воспитательнай работа ашель.—Тя ульсь сяс,—отвечай комсомольский организацияц секретарец Буйнов ялгась,—мес велень культурнай ломаттне, конат кешмокстафт чтецокс, паксяв прявокашестъ няфне. Тя виде. Но чтецне нят, вдь, сембе комсомолецт и комсомолкат. Мес жа комсомольский организациясь исценъ кошарда работама? Тянь каршес ответ аш. Да сяс, мес Буйновсь сонць мезьяновк тянь колга ашезь тиенде и визць кошардомс лиятненьге. Аныцек майть 8-це шистонза, мзярда ВЛКСМ-нь райкомсь проверязе Буйновть, эста аныцек ВЛКСМ-нь колма четт: Буйнов, Буйнова Екатерина и Тишкин ялгатне кармасть якама паксяв и лувондома тоса колхозникненьди газетат. Тя шити самс

нят колма ялгатне колхознай бригадатнень эзга йотафтсть нилень беседа. Кода няеви, чтецне эсь работаснон вишкопнесазь, но однака, марнек культмассовой работати эрявикс перелом нинге апакийхть. Стенгазетат, кода общеколхознай, а тяфта и бригаднайхть тачимс аф нолявихть.

Тя колхозса аш первичнай партийнай организация. Лисенди, што колхозса политический руководствась вляткшни комсомольский организациять мелге, но тя организациясь эсь аф сатомшка работанц сюнеда политический руководителень рольть пашкотькшнес пяк кальдявста.

Буйнов ялгати явов сембе нят и лама иля аф сатыксне эрявихть учеть и ушedomс работама станя, штоба оправдать велеса политический руководителень лемть.

Афонин.

ЗАПАДНАЙ ЕВРОПАСА ВОЙНАСЬ

Бельгияса и Севернай Францияса фронтть сембе участканзон эса майть 25-це шистонза союзникне няфтсть оцю активность, йорастъ машфтомс Соммы ляйть маласа немецкий прорывть и аф нолдамс шаромс эсь севернай группаснон.

Главнай бойхне мошьть Франциять севернай провинциязон эса Фландрияса и Артуаса. Сяда упорнай бойхть ульсь Сент-Омер ошть перьфке. Тя районца Вими возвышенность лангса занясть выгоднай позиция германский войскадне, конат тяни господствуют сембе окружающей местность лангса. Однака, союзникнень утвержденияснон коряс, французенди удалась лоткафтомс немецкий войскадне тя районца сяда тов наступленияснон.

Германский войскадне тяфта жа касфнезь эсь успехснон Па-де-Калэ и Ла-Манш пролифнень прибрежной районцост. Нят действителень пяк оцю значениясна сяс, мес синь арафнесазь Англиять южной и юго-восточнай беригонзон германский вторжениять непосредственной угрозанц алу.

Действовандамок непосредственно побережьяса, германский войскадне занязь Булонть и латцесазь эсь ударснон Калэ портть каршес. Английский газетатнень сообщенияснон коряс, а тяфтажа германский сообщениятнень коряска, тя портть савозь ни германский войскадне. Английский маластонь Дувр ошсь Калэ эзда ащи 40 километра вастса.

Па-де-Калэ районца германский самолеттне ляцендсть союзникнень транспортной и торговой суднаснон стама целенкса, штоба расстроить подкрепления и боеприпасонь усксметать синь севернай группаснонды. Тяфта бомбардировандафт портовой сооружеаниятне Фландрияса, Зеебрюгса, Остендса и Дюнкеркаса. Германский самолеттне тиендсть валетт Англиять восточнай и юго-восточнай ошензон лангс.

Союзникнень авиациясна бомбардировандазень германский войскаднезь снабжениянь киснон, ляцендемок транспортной колоннатнень, железнодорожной станциятнень и сэттнень, конатнень занязь немецне.

(ТАСС).

Ответ. редакторть заместителец И. ЧУДАЙКИН.